

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

- 1. Nunatsinni, minnerpaamik illoqarfinni inunnik angallassineq pitsanngorsarnissaanut soorlu Metro-tut ittunik pilersaaruteqarpat?**
 - a. Pilersinniarneqassappat qanoq karsimut naleqassua?**
 - b. Qanorlu sivisutigissava?**

(Inatsisartunut ilaasortaq Gerth Mikaelson, Naleraq)

Tunngavilersuutit:

Nunatsinni ukiuni kingullerni, sualummik illoqarfinni aningerni, naluneqanngitsutut angallanneq ilungersunartutut inissisimavoq, biiliinarnik angallattoqarami. Nuuk assersuutigigaanni suliaartorniat biilikku kinguleriaattutut inissisimasarput. Taakkununga ilaallutik bussit inuppassuarnik ilaasoqarlutik, sulisartut, atuartut, ilinniartut, allarpassuillu kinguleriaattut akornani ilaasarput.

Tamanna inuiaqatigiinnut piffissamik annertuumik tiguisarpoq.

Illoqarfinni asfalteq biilit amerlasoorujussuangerisa kingunerisaanni aserortaqattaarluttuinnarluni. Tamannalu aningaasarpasuarnut aamma atuiffiusarluni. Inunnik angallassineq pitsanngorsarnerani Kommuunimut tamanna iluaqutaasussaavoq, tamatumalu kinguneranik aamma Inatsisartuniit iluaquteqartussaavoq pinngitsoorani aningaasaliisarnerup tungaatigut.

Unnuakkut busseqartarani massakkut ingerlavugut. Ulloq unnuarlu ingerlaarneq ingerlaarsinnaaneq anguneqassaaq. Pinngortitamut illersuissuugut erngup nukinganik assartuutini pilersitsigutta, oliemik atuinerput mikinerusunngortittussaavarput siunissaq ungasinnerusoq eqqarsaatigalugu.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Nutserinermi paatsuungasoqassatillugu kalaallisut allassimasoq aallaavigineqassaaq.